

問影樓輿地叢書

同影樓與地產

三省山内風土雜識

光緒戊申仿聚
珍版印於京師

三省山內風土雜識

激浦嚴如煜撰

陝西之漢中興安商州四川之保寧綏定夔州湖北之鄖陽宜昌地均犬牙相錯其長林深谷往往跨越兩三省難以界割故一隅有事邊徼悉警守土之吏疆域攸分卽能固圉保民詎能越境而謀故講又安之策必合三省通籌之也天文井宿次未午二宮分度最廣商州在井一度漢中興安在井三度保寧在井十三度夔州綏定二府均在翼十七度而奉節巫山大寧雲陽梁山萬縣又在翼十六度鄖陽府之鄖縣在星六度房縣保康在張一度竹山張二上津張三鄖西竹溪在張四聖人仰觀俯察休咎之徵鑒諸儀象任邊防之重者不可不隨時占候也

南山在陝西西安府之南山高而長阮亭所云終南雲物一千里是也西爲太白山北爲華嶽祖山由秦隴而來踰北棧經寧陝孝義東出商洛融結河南諸

三省山内風土雜記
山鎮安洵陽漢陰石泉洋縣各山皆其支分別派穹巖邃谷老林深箐多人跡所不至時虞伏莽故往史所稱動曰南山盜賊

南山專屬陝西在渭河東南漢江之北其由漢江南渡徑至岷江北岸陝則興安平利白河定遠西鄉寧羌川則保寧綏定太平夔州湖則鄖陽之房縣竹山竹谿宜昌之歸州巴東興山均在江漢之間其山之最鉅有名者曰大巴山大約自秦階折而東爲畧陽之仇池經寧羌南鄭城固至定遠巴州凡川東北陝興安湖鄖陽宜昌各山皆其支分別派而下結爲均州之武當巴山老林跨川陝兩省周遭千餘里老樹陰森爲太古時物春夏常有積雪山幽谷暗入其中者蒙蔽不見天日官府稽防難周宜其爲逋逃藪也

西安之咸陽藍田盩厔鄠縣鳳翔之寶鷄郿縣均在山外而縣轄地方往往錯入山內盩厔咸陽往時所轄入山至二三百里故有鞭長莫及之患川陝各山峻削挺拔非如東南坡坳蜿蜒易於攀躋由華州經藍田至寶鷄共七十二峪

口山賊窺伺內地必由峪口而出故當辦理賊匪之時防其竄突於各峪口亦徧設卡倫以重省城門戶

寧陝廳爲西安府所轄舊本長安縣地距省城三百六十里在南山中四面高山峻嶺道路極其崎嶇畢撫軍奏設廳治近又添設總兵大營兵威雄盛足爲省城籓籬

孝義廳亦西安府所轄本咸寧縣地畢撫軍分設廳治舊在大山礮下城垣逼仄高山俯臨如坐甕底近移建在舊縣關地勢畧爲寬廠而溪流衝激城基難以完固

由寶鷄縣渡渭河進山經草涼驛黃牛堡過鳳縣古陳倉畱塢廳至褒城縣山程五百里爲北棧道山峻水急其中多巉巖壁立難以鑿路募匠鎚石成孔橫貫巨木上覆木板外作欄杆繞之如橋梁狀故名曰棧道其中最險曰煎茶坡大散關鳳嶺柴關馬道二十四嶠鷄頭關均爲一夫當關萬夫莫開聞父老言

數十年前古木叢篁遮蔽天日近爲川楚棚民開墾路雖崎嶇而樹木已稀惟柴關一處尙有古木數千章

棧道之西爲秦隴階文各州縣而東則南山老林山堖谷口處處可以躩越故賊匪東西奔竄防堵爲難

由褒城而西南過沔縣寧羌爲往四川大路東行四十里至漢中府府治東有饒風南橫大巴北阨大散西拒仇池漢江橫貫其中最爲形勝其中南鄭城固洋縣西鄉褒城沔縣周圍七八百里一望平蕪地美民殷風物絕似江南故漢高因之以成帝業而武侯北定中原亦屯軍於此晉宋以後爲梁州唐更名興元

興安古金州地舊爲州治隸漢中畢撫軍奏請改州爲府由漢中東行經城固洋縣石泉漢陰陸路八百餘里水路一千三百餘里中有渭門子午谷饒風嶺諸險而饒風尤峻卽吳玠據以拒撤離喝者但此路尙爲平夷不似棧道之寸

寸皆山也

興安府治在漢江之南地勢寬敞新城係磚砌頗堅固爲總鎮營兵駐紮府治本無城秦撫軍防堵教匪之時築土牆以守沿舊號曰老城山內土性不堅夏秋霖雨輒有坍塌邊徼重地宜爲未雨綢繆者

興安所轄六屬地方遼闊水田不逮漢中甚遠其中宜稻者惟漢陰一廳次則安康平利又次石泉縣間產稻穀洵陽白河不過三數村落有水田矣惟山內五種皆宜大麥包穀薄種厚收閭閻饘粥尙爲易謀

興安往西安大道由漢中一千八百餘里故於山中另闢新路由洵陽之趙家灣兩河關經過鎮安孝義出大峪口山程約七百里較棧道捷甚然鳥道羊腸

中如九里崗琉璃溝

安

判官嶺仙人碕

洵陽

梅花鋪鷄上架

鎮安

猴子石大山礮

孝義

高峻嶮巖關一徑於樹根石角之間稍不戒則人馬均墮非如棧道地雖險而路寬也故招解人犯仍由漢中大路

定遠廳在漢中府南漢中之西鄉縣地方遼闊周圍二千餘里嘉慶八年奏將山內地方分設撫民同知廳治在固鄉營距西鄉縣二百九十里至四川太平廳二百四十里沿邊東接毛垵關南繞鹽場平落西歷黎垵白楊關北至菩提河共計八百八十里與四川之太平巴州通江南江接界內有星子山老林約二百餘里其大巴山則在定遠者四百餘里西鄉之險峻盡分廳治而西鄉成腹地矣

定遠山大林深然過一高山卽有一田坪星子山之東爲楮河廳西爲九軍三垵南爲漁肚垵平落鹽場西南爲仁村黎垵均有水田宜稻九軍垵產稻最美其粒重於他處漁肚垵楮河平落鹽場周圍各數十里俗稱萬石平落五千鹽場但各鄉雖產穀而距廳治遠阻隔大山轉運爲難廳治之固鄉營水田僅數百畝故仍有艱食之虞

又西鄉遊擊營設於定遠未分之先定遠設廳治而軍制仍舊僅一都司營額

兵五百分佈於川邊八九百里之間又先設姚家垵蘭池垵兩巡檢距廳治皆二百餘里人烟稀少嘉慶九年方撫軍奏移姚家垵巡檢安設漁肚垵蘭池垵巡檢安設黎垵均在廳城西南一百里內外定遠捐修廳城兩巡檢分防之地亦爲代修石堡三城鼎峙頗資犄角矣

十三年西鄉遊擊移安定遠

漢中府之鳳縣東南爲南山老林由城西進山溝約百餘里至甘肅之兩當再西爲徽成二縣毗連秦州山賊之竄甘省多取道於此故於縣治增設漢鳳營雷垵廳在棧道中西有紫栢山高數十里青巒聳拔上插雲霄相傳爲張子房辟穀處廳治湫隘兩面高山中間溪流湍激向無城垣故賊頻滋擾廳東北九十里江口爲南山扼要之區廳西黑河一帶上接鳳縣下通褒沔西與甘省毗連密林深谷綿亘數百里極爲幽險最宜防範黑河今爲鳳沔畧轄設有鐵爐川守備營

褒城之馬道相傳爲蕭相國走馬追淮陰侯處就驛結堡人烟較縣治爲多雷

三省山內風土雜記
垣廳境絕少水田川楚棚民轉徙開墾土著十無一二五方雜處易生事端善
後案內添設營兵近已籌修城垣崇備仡仡庶折侮亂之萌

鷄頭關在褒城北一十里危峯竦峙下臨絕澗洵天險也東南數十里一望平
蕪頗稱膏沃黃官嶺與川之廟垣鐵爐垣相近稽防宜嚴
定軍山在沔縣山不甚高古木幽篁蔚然深秀縣東北與褒城南鄭相連者平
原臚臚水田亦美惟剛廠一處與黃官嶺聲息相連而西境由褒城上接黑河
連峯疊嶂易以藏奸

畧陽據秦隴之中昔光武征隗囂得畧陽而囂懼嘉陵江襟帶城西另有小河
一道繞城東而下渡嘉陵江西進至白馬關爲甘肅要衝邑有仇池四面陡險
上頗平敞有泉有田往時武都羌據以爲固者邑境山壤境峭沿途絕少水田
仇池今在甘肅

寧羌州當川省入陝首站州境遼闊綿延數百里黃垣扼巴蜀之咽喉陽平爲

秦隴之門戶荒耳山茅埏子板倉埧一帶與廣元昭化之荷葉嶺石龍埧城牆巖犁埧各處壤地相錯山幽谷深易以藏奸有水田稻出無多僅供本地需用南鄭城固平蕪相接錦陌綺阡爲漢中膏沃北山漢山亦無阻險可憑城固之二郎埧接連雷埧之江口此路頗稱幽峻

漢中古梁州洋縣古洋州唐時屢爲駐蹕之地東南西三面均有平壤水田足稱膏沃北路進牛羊嶺麻庄河麻兒溝一帶大山數百里與西安之長安盩厔接界內多未闢老林近於華陽地方建土堡一座添設文武官弁而地大林深彈壓非易

禹貢華陽黑水惟梁州黑水卽雷埧黑河在梁州西北華陽在梁州東華山之陽爲南山故華陽正在南山旁北與五郎之江口厚畛子各營相連由華陽前進處處老林嶮巖幽暗爲南山深處矣西鄉在漢江南沃野百里良田千頃漢中之華腴也自定遠設廳邊防盡歸定

三省山內風土雜記
遠雖堰口峽口細辛埧諸要隘時防山寇躡入而禦賊當在門牆之外嚴定遠
之防維則西鄉自可固圍也否則龍池埧馬家埧箭桿山各險與賊共之到處
可以竄越定遠瘠甚割西鄉隸之則廳縣雖分事權歸一籌辦自易矣

陝省入川之路其由寧羌廣元棧道而前者正道也而奇兵往往由西鄉而進
漢昭烈取漢中大軍發葭萌關張桓侯由西鄉一路後西鄉爲桓侯封邑定遠
之扯旗溪拴馬嶺各處尙有桓侯遺跡明時川賊鄔本恕犯漢中流賊張獻忠
入川並總兵左良玉等扼賊力戰亦多在漁肚埧路定遠之設廳控制洵安邊
遠猷也

武侯伐魏魏延請以五千人間道由子午谷徑襲長安考西鄉之子午谷在漢
江北與西安府之子午峪相對由山路徑進至長安不過七八百里但翻山越
嶺必須裹毡束馬而行者非止一處出險之後距長安雖不遠時關中久爲魏
有夏侯楸雖駑才長安豪傑豈無相共爲守者仲達用兵神速觀其七日而破

新城則武侯之拒而不納未必非慮延之爲孟達續也

石泉在漢江北岸縣本無城縣令李煥樞籌修治東南與漢陰連界頗有水田餘則崇山峻嶺一望巒岉西往西鄉有饒風關高五六里石磴盤折其險可守由饒風北進山爲興安往五郎之路中有雲霧山山河界貓兒嶺諸險均極幽峻四畝地營與五郎聲息相通尤爲必守之要四面老林一二棚民之外別無土著稽防稍疎輒起寇心

漢陰本興安州轄興安陞府漢陰分爲廳治地勢平坦中有月河一道利資灌溉春時水田漠漠風景絕似湖鄉廳北各山亦與五郎相連漢王城古跡在廳南漢江之上

紫陽縣治在漢北小阜之上縣轄地方多在漢江南岸山地瘠薄與石泉相類產茶性寒敗胃亦其山高故也定遠之星子山東折入縣境故亦有未闢老林南之二州埡西南之麻柳埡茅埡關與川省太平廳城口一帶毗連山深林大

三省山內風土雜記
川匪出沒往往伏草攫人

紫陽扼要之地又有鐵佛寺班鳩關東南近安康有大山曰五朶雲林深路峻上廣數十里賊匪伏匿官兵搜捕經時

興安政府之後安康爲附郭首邑縣境遼闊西往漢中一路恆口地勢平坦頗有水田西北王莽山牛山峯嶺崢嶸爲終南之分支松樹壩上下團山與洵陽鎮安孝義接界林幽谷深奸徒易以伏匿傅家河一路由山溝中行地雖幽暗路頗平夷故避兩河關之險者由鎮安取道於此徑達興安漢陰

安康南與平利西與紫陽交界西南至南天門與四川之太平廳交界密地數百里崇山峻嶺溝洫分岐有滔河嵐河大道河等名其間以磚坪爲扼要之地距郡城二百二十里沿溪兩岸有零星水田安康設縣之初特爲分駐縣丞近又加設營員地當川陝奧區匪徒出沒控制爲難

平利縣治舊在興安郡城南九十里城址逼仄四面大山俯臨縣治南九十里

曰白土關據湖陝之衝再南四十里踰界嶺卽爲湖北二竹地地勢平行水田甚美改建縣治於此溪水一道下爲洵陽之垣河北注漢江可通小舟中有石灘數處加以疏鑿則民商均便矣

平利所轄高山之中間有平原水田如曾家垣獅子垣風口垣等處各有水田數百頃與白土關均稱產穀之鄉

平利北連安康東界洵陽東南接湖北之二竹西南與四川之太平大寧交界鎮平一隅尤深入川楚之中距縣治三百六十里鳥道一線盤折危巖峭壁之間鷄心嶺扼夔府大寧之路偏巖子通一碗泉汛平溪河八仙河與太平廳之城口黃墩相接處處老林內有化龍山尤爲幽峻匪徒出沒無常舊設巡檢專司稽防近添安大營擬設縣丞畧資控制沿途之八卦廟孟石嶺散子坪等處亦爲要隘

洵陽在漢江北漢高祖遣酈商至郇關卽其地也縣治孤峯突兀夾以漢江洵